

**FRAMKVÆMDARREGLUGERÐ FRAMKVÆMDASTJÓRNARINNAR
(ESB) 2021/2228****2022/EES/38/03****frá 14. desember 2021****um vegið meðaltal hæsta verðs fyrir lúkningu símtala í farsíma í Sambandinu og um niðurfellingu á framkvæmdarreglugerð (ESB) 2020/2082 (*)**

FRAMKVÆMDASTJÓRN EVRÓPUSAMBANDSINS HEFUR,

með hliðsjón af sáttmálanum um starfshætti Evrópusambandsins,

með hliðsjón af reglugerð Evrópuþingsins og ráðsins (ESB) nr. 531/2012 frá 13. júní 2012 um reiki á almennum farsímanetum innan Sambandsins ⁽¹⁾, einkum 2. mgr. 6. gr. e,*og að teknu tilliti til eftirfarandi:*

- 1) Samkvæmt 6. gr. a reglugerðar (ESB) nr. 531/2012 ættu veitendur landsbundinnar þjónustu, frá 15. júní 2017, ekki að leggja aukagjald, til viðbótar við landsbundna smásöluverðið, á viðskiptavini reikiþjónustu í neinu aðildarríki fyrir móttækin reikisímtöl, sem reglur eru settar um, ef þau símtöl eru innan þeirra marka sem heimiluð eru samkvæmt viðmiðunarreglum um eðlilega notkun.
- 2) Samkvæmt reglugerð (ESB) nr. 531/2012 er heimilt að leggja á aukagjald þar sem slíkt aukagjald, sem lagt er á fyrir að taka á móti reikisímtölum sem reglur eru settar um, takmarkast þó við vegið meðaltal hæsta verðs fyrir lúkningu símtala í farsíma í Sambandinu.
- 3) Í framkvæmdarreglugerð framkvæmdastjórnarinnar (ESB) 2020/2082 ⁽²⁾ er sett fram vegið meðaltal hæsta verðs fyrir lúkningu símtala í farsíma í Sambandinu sem á að gilda árið 2021 á grundvelli gagnagildanna frá og með 1. júlí 2020.
- 4) Evrópskur hópur eftirlitsaðila á sviði rafrænna fjarskipta hefur látið framkvæmdastjórninni í té uppfærðar upplýsingar frá eftirlitsyfirvöldum aðildarríkjanna um hámarksverð fyrir lúkningu símtala í farsíma, sem lögð voru á í samræmi við 32., 67. og 74. gr. tilskipunar Evrópuþingsins og ráðsins (ESB) 2018/1972 ⁽³⁾ á hverjum landsbundnum markaði fyrir heildsölu á lúkningu símtala í talsímabjónustu í einstökum farsímanetum, og um heildarfjölda áskrifenda í aðildarríkjunum.
- 5) Framkvæmdastjórnin hefur, samkvæmt reglugerð (ESB) nr. 531/2012, reiknað út vegið meðaltal hæsta verðs fyrir lúkningu símtala í farsíma í Sambandinu með því að margfalda hæsta verð fyrir lúkningu símtala í farsíma, sem leyfilegt er í tilteknu aðildarríki, með heildarfjölda áskrifenda í því aðildarríki, leggja það margfeldi saman fyrir öll aðildarríkin og deila síðan í heildarútkomuna með heildarfjölda áskrifenda í öllum aðildarríkjunum á grundvelli gagnagildanna frá og með 30. júní 2021. Að því er varðar aðildarríki, sem hafa ekki evru sem gjaldmiðil, miðast viðeigandi gengi við meðaltal annars ársfjórðungs 2021 sem er fengið úr gagnagrunni Seðlabanka Evrópu.
- 6) Því er þörf á að uppfæra gildið fyrir vegið meðaltal hæsta verðs fyrir lúkningu símtala í farsíma í Sambandinu.
- 7) Því ætti að fella framkvæmdarreglugerð (ESB) 2020/2082 úr gildi.
- 8) Samkvæmt reglugerð (ESB) nr. 531/2012 ætti framkvæmdastjórnin að endurskoða árlega vegið meðaltal hæsta verðs fyrir lúkningu símtala í farsíma í Sambandinu, eins og ákvarðað er með þessari framkvæmdarreglugerð.
- 9) Ráðstafanirnar, sem kveðið er á um í þessari reglugerð, eru í samræmi við álit fjarskiptanefndarinnar.

(*) Þessi ESB-gerð birtist í Stjtd. ESB L 448, 15.12.2021, bls. 50. Hennar var getið í ákvörðun sameiginlegu EES-nefndarinnar nr. 152/2022 frá 29. apríl 2022 um breytingu á XI. viðauka (Rafræn fjarskipti, hljóð- og myndmiðlun og upplýsingasamfélagið) við EES-samninginn (bíður birtingar).

⁽¹⁾ Stjtd. ESB L 172, 30.6.2012, bls. 10.

⁽²⁾ Framkvæmdarreglugerð framkvæmdastjórnarinnar (ESB) 2020/2082 frá 14. desember 2020 um vegið meðaltal hæsta verðs fyrir lúkningu símtala í farsíma í Sambandinu og um niðurfellingu á framkvæmdarreglugerð (ESB) 2019/2116 (Stjtd. ESB L 423, 15.12.2020, bls. 18).

⁽³⁾ Tilskipun Evrópuþingsins og ráðsins (ESB) 2018/1972 frá 11. desember 2018 um setningu evrópskra reglna um rafræn fjarskipti (Stjtd. ESB L 321, 17.12.2018, bls. 36).

SAMÞYKKT REGLUGERÐ ÞESSA:

1. gr.

Vegið meðaltal hæsta verðs fyrir lúkningu símtala í farsíma í Sambandinu skal vera 0,0072 evrur á mínútu.

2. gr.

Framkvæmdarreglugerð (ESB) 2020/2082 er felld úr gildi.

3. gr.

Reglugerð þessi öðlast gildi á tuttugasta degi eftir að hún birtist í *Stjórnartíðindum Evrópusambandsins*.

Hún kemur til framkvæmda frá og með 1. janúar 2022.

Reglugerð þessi er bindandi í heild sinni og gildir í öllum aðildarríkjunum án frekari lögfestingar.

Gjört í Brussel 14. desember 2021.

Fyrir hönd framkvæmdastjórnarinnar,

Ursula VON DER LEYEN

forseti.
